

Иже во святых отца нашего Алексія митрополита, всея Россіи чудотворца

(25 февраля, 2 июня н.ст.)

На Господи, возвах: стихіры на 8. Глас 5.

Радуйся, пречестный архиерее великий, Алексіе преблаженне,/ церковный красителю, святителей честное удобрение,/ народу православному молитвою помогая,/ земли Россійския великое утверждение,/ честный учителю наш,/ безпомощным помощи,/ печальным утешение радостное,/ молебниче теплый всем скорбящим,/ тьму неразумия отгоняя,/ и ко Христу во пристанища тихая притекл еси,/ в лице безплотных предстоя,/ и красныя доброты Владычни наслаждаешься,/ и сердца благочестивых на пение воздвигл еси./ Христу помолися/ даровати душам нашим мир и велию милость.

Радуйся, светило всея Россійския митрополии:/ ты бо добродетелию светло процвел еси,/ яко маслина плодовита в дому Божии,/ и, различные плоды износя,/ богато раздаваяши стаду твоему словесному/ и на пажитех духовных тучами твоих молитв напояеши,/ исцеления независтно источаеши/ верою притекающим к раце мощей твоих, святителю Алексіе./ Свещу светлу себе уготовал еси,/ и во обителях Небесных вселився,/ и трудов твоих воздаяния венцы приыл еси,/ не дал бо еси сна очима твоима и веждома дремания,/ дондеже сном общим уснул еси./ Преподобне святителю, Христу помолися/ даровати душам нашим мир и велию милость.

Радуйся и веселися, Алексіе пресвященный,/ благодатный проповедниче, твердый уме,/ винограда животнога святопрозябший грозд, вино искапающий,/ верных сердца веселящее учении медоточными,/ святопомазанная глава,/ честный наш учителю,/ прииди, посети нас, озлобленных греховными страстьми,/ поганых дерзость низложи, противных прожени,/ усобныя брани укроти/ и болезни, и недуги всякия облегчи,/ Христу моляся/ даровати душам нашим мир и велию милость.

Радуйся, преславный граде Москва,/ красуйся и веселися,/ сицеваго имея благодати источника неисчерпаемаго,/ преблаженного и

чудоносіваго Алексія,/ святителя великаго,/ іже мудростию Святаго Духа украшшася/ и от юности добродетельнаго ради его жития/ сосуд Святому Духу быв пощени и молитвами;/ священства мастию помазася,/ исцеления дар приѣмша от всех Царя Христа Бога,/ и по святем его преставлении отрока, еле жива суща,/ материю принесена к честней его раце, здрава сотвори./ И до ныне источает исцеление неоскудно с верою приходящим,/ и Христу молится/ даровати душам нашим мир и велию милость.

Ины стихиры, глас 2.

Кийми песенными добротами воспоем святителя,/ Христова уста тихая/ и Евангелия Его проповедника света,/ церковнаго хранителя и заступника земли Россійстей,/ верному воинству нашему поборника,/ Егоже молитвами шатания врагов Христос низложит,/ имей велию милость.

Кийми бодренными устнами похвалим святителя,/ Христовы Церкви красителя,/ Петра верховному ревнителя и Павлу наследника,/ нравы подобящая Крестителю,/ Петра чудотворца Россійскаго сопредстольника/ и лучи чудес испускающа обильно,/ исцеления подающа независтно всем, приходящим с верою/ и память его светло празднующим,/ великаго заступника земли Россійстей и учителя,/ Алексія, дивнаго чудотворца,/ и православным людям нашим теплаго пособника./ Егоже ради враги Христос низложит,/ имей велию милость.

Кийми украшенными глаголы воспоем святителя,/ дивнаго в чудесех Алексія,/ безплотным сожителя, освященнаго от пелен,/ столпа Церкви неподвижима,/ веселие земли Россійстей,/ правды правило, обидимым заступника,/ немощным врача безмездна./ Егоже ради дарова Христос Церквам соединение,/ имей велию милость.

Слава, глас 6:

Святителей удобрение и отцев красоту,/ источника чудес,/ земли Россійстей заступника велика,/ сошедшее, о празднлюбцы, песенными похвалами воспоем, глаголюще:/ радуйся, Алексіе,/ твердый уме, благодатию истинною окроплен./ Отнюдуже и приятелище быв Пресвятаго Духа,/ чудес дар восприял еси./ И ныне, с первосвятители предстою престолу Христову,/ молися о рабех твоих.

И ны́не, Богоро́дичен: Кто Тебе́ не убо́лажит:

Та́же вход. Проки́мен дне. Чте́ния три.

При́тчей чте́ние (гла́вы 10, 3 и 8):

Па́мь прáведнаго с похва́лами, и благослове́ние Госпо́дне на главе́ его́./ Блаже́н челове́к, иже обре́те премúдрость, и сме́ртен, иже уведет ра́зум./ Лу́чше бо сию́ купова́ти, не́жели злата́ и сребра́ сокровища./ Честне́йшая же есть ка́мений многоце́нных,/ все́ же честное́ недостóйно ея́ есть./ Долгота́ бо дней и ле́та живота́ в десни́це ея́,/ в шу́ице же ея́ богáтство и сла́ва./ От уст ея́ исхо́дит пра́вда, зако́н же и ми́лость на язы́це но́сит./ Послу́шайте у́бо мене́, о ча́да, честна́я бо ре́ку,/ и блаже́н челове́к, иже пу́ти моя́ сохра́нит:/ исхо́ди бо мой, исхо́ди живота́, и уготовля́ется хоте́ние от Го́спода./ Сего́ ра́ди молю́ вас и предлага́ю мой глас сыно́вом челове́ческим,/ я́ко аз, премúдрость, устро́их сове́т/ и ра́зум, и смы́сл аз призва́х./ Мой сове́т и утвержде́ние, мой ра́зум, моя́ же кре́пость./ Аз мене́ лю́бящая люблю́, ищущи́и же мене́ обря́щут благода́ть./ Разуме́йте у́бо, незло́биви́и, кова́рство, ненака́занны́и же, прилага́йте серде́ц./ Послу́шайте мене́ и па́ки, честна́я бо ре́ку,/ и отве́рзу от усте́н пра́вая, я́ко и́стине поучи́тся горта́нь моя́,/ ме́рзки же предó мно́ю устны́ лжи́выя./ С пра́вдою вси глаго́лы уст мои́х:/ ничто́же в них стро́потно, ниже́ развра́щенно./ Вся пра́ва суть разумева́ющим и про́ста обрета́ющим ра́зум./ Науча́ю бо вас и́стине,/ да бу́дет о Го́споде наде́жда ва́ша,/ и испо́лнитеся Ду́ха.

При́тчей чте́ние (гла́вы 10 и 11):

Уста́ прáведнаго ка́плют премúдрость, язы́к же непра́веднаго поги́бнет./ Устне́ муже́й прáведных ка́плют благода́ти, уста́ же нечестíвых развра́щаются./ Ме́рила льсти́вая — ме́рзость пред Го́сподем, вес же прáведный прия́тен Ему́./ Иде́же а́ще вни́дет досажде́ние, та́мо и безче́стие,/ уста́ же смире́нных поуча́ются премúдрости./ Соверше́ние пра́вых наста́вит их, и поползнове́ние отрица́ющихсѧ упасе́т их./ Не по́льзуют и́мения в день я́рости, пра́вда же изба́вит от сме́рти./ Умер прáведный, оста́ви раская́ние, нару́чна же быва́ет и посмея́тельна нечестíвых па́губа./ Пра́вда непоро́чнаго исправля́ет пу́ти, в нече́стие же па́дает непра́вда./ Пра́вда муже́й пра́вых изба́вит их, безсо́ветием же пленя́ются беззакóннии./ Сконча́вшусѧ му́жу прáведну, не поги́бнет наде́жда,/ похва́ла же нечестíвых поги́бнет./ Пра́ведник от ло́ва убе́гнет,

вмѣсто же егѡ предаѣтся нечестѣивый./ Во устѣх нечестѣивых сеть гражданом, чѹвство же праведных благопоспѣшное./ Во благѣх праведных исправится град, и в погѣбели нечестѣивых радование./ Во благословѣнии правых возвысится град, усты же нечестѣивых раскопается./ Ругается гражданом лишѣнный разума,/ муж же мѹдрый безмѡлвие вѡдит.

Премѹдрости Соломѡни чтѣние (глава 4):

Праведник аще постигнет скончатиcя, в покое бѹдет./ Старость бо честна не многолѣтна, ниже в числѣ лет исчитается,/ седина же есть мѹдрость человеком, и вѡзраст старости – житиѣ нескверное./ Благоугоден Бѡгови быв, возлюблен бысть и живѹй посреде грѣшник прѣставлен бысть./ Восхищен бысть, да не злоба изменит разума егѡ, или лѣсть прельстит дѹшу егѡ./ Рачѣние бо злобы помрачает дѡбрая и парѣние похоти пременяет ум незлобив./ Скончався в мале, исполни лѣта долга,/ угодна бо бе Гѡсподеви дѹша егѡ,/ сего ради потщася от среды лукавствія./ Люди же видѣвше, и не разумѣвше,/ ниже положше в помышлѣнии таковое,/ яко благодать и мѡлость в преподѡбных Егѡ/ и посещѣние во избранных Егѡ.

На литѣи стихѣра святаго, самогласны. Глас 8:

Преподѡбне ѡтче, святителю Алексѣе,/ аще кая страна или кий град молчит,/ но вси, иже тобою просвещѣнии,/ чудес твоѣх мнѡжество слѣшаще и видяще,/ и мы с ними похвальными пѣсньми вопиѣм и глаголем:/ благодатию Пресвятаго Дѹха Христѡвым апѡстолом подѡбник был еси/ и вселѣнную всю просвещавши,/ тѣмже и до царя доидѡша словеса чудес твоѣх, яко луча,/ и дальным яко близ сияюща./ И нас от бед и находящих лют свободѣ твоими молѣтвами.

На стихѡвне стихѣры, глас 2.

Дом Святаго Дѹха/ и вселѣние благодати/ Алексѣй явился:/ и ныне, в пѡмѣть егѡ сошедшеся,/ того воспоѣм.

Стих: Восхваляются преподѡбнии во славе/ и возрадуются на лѡжах своих.

Ты еси́ святителем похвала́,/ священником удобре́ние,/ мона́хом пра́вило,/ и мы ти вопие́м, святителю Алексе́е:/ ра́дуйся, Це́ркве утвержде́ние.

Стих: Священницы Твой облеку́тся в пра́вду,/ и преподо́бнии Твой возра́дуются.

Приими́ ны́не пе́ние/ ча́д твои́х, о́тче,/ ве́рою пра́зднующих,/ и лю́бящим тя подава́й/ я́же на по́льзу проше́ния.

Сла́ва, глас 6. Самогла́сен:

Благий ра́бе,/ ве́рный де́лателью виногра́да Христо́ва,/ ты и тяготу́ дневну́ю понёсл еси́,/ ты и да́нный ти тала́нт возрасти́л еси́/ и по тебе́ прише́дшим не зави́дел еси́./ Те́мже врата́ Небе́сная отверзо́шася тебе́:/ вни́ди в ра́дость Го́спода твоего́/ и моли́ о нас, свя́те Алексе́е.

И ны́не: Творе́ц и Изба́витель:

На благослове́нии хлебов тропа́рь свята́го два́жды и Богоро́дице Де́во: еди́ножды.

Тропа́рь, глас 8:

Я́ко апо́столом сопресто́льна,/ и врача́ предобра, и служи́теля благоприя́тна,/ к раце твоёй честне́й притека́юще, святителю Алексе́е, Богому́дре чудотворче,/ соше́дшеся, лю́бовию в па́мь твою́ светло́ пра́зднуем,/ в пе́снях и пе́ниях ра́дующеся и Христа́ сла́вяще,/ такову́ю благода́ть тебе́ дарова́вшего исцеле́ний/ и гра́ду твоему́ вели́кое утвержде́ние.

Ин тропа́рь, глас 4:

Апо́стольских до́гмат опа́сна храните́ля,/ Це́ркве росси́йския па́стыря и учи́теля,/ преблаже́ннаго Алексе́я святителя па́мь пра́зднующе,/ славосло́вим Христа́ Бо́га на́шего пе́снями достодо́лжными,/ дарова́вшего нам уго́дника Своего́,/ я́ко оби́льный исто́чник, точа́ш врачева́ния,/ гра́ду же Москве́ похвалу́ и утвержде́ние.

Ин тропáрь, глас 8:

**Я́ко светонóсная возсия́ днесь пáмять тво́я, сла́вне,/ вѣрных
озаря́ющи ду́ши и телеса́,/ и исцелѣ́ния струй́ Богоприятными ти
моли́твами источáеши,/ óтче святителю́ Алексі́е,/ Тѣмже ты мо́лим,
я́ко архиере́ом сопрестóльна и чудодѣ́йственника изря́дна,/ ѿже
Христову́ Престóлу предстоя́й,/ о нас не оскудева́й моля́ся спасти́ся
душа́м на́шим.**

Сла́ва, и ны́не, Богоро́дичен.

На у́трени

По стихоло́гии седа́лен, глас 8:

На́ста светонóсный день: чудотво́рца, архиепи́скупа Алексі́я
па́мять,/ прииді́те, соше́дшеся, прáзднуем светлó и соста́вим ли́ки,
похвала́ми почт́им егó и рцем е́му:/ ра́дуйся, честный светі́льниче
Россі́йския земли́,/ источáеши бо чудеса́, и излива́еши исцелѣ́ния,/ и
мо́лишися о душа́х на́ших.

Сла́ва, и ны́не, Богоро́дичен:

Да Твой па́ки сози́ждеши о́браз, истлѣ́вший страстьми́, Спа́се,
Небе́сных утаився су́ществ, воплоті́лся еси́ от Дѣвы,/ Ё́йже согла́сно
возопі́ем:/ ра́дуйся, Благода́тная, Госпо́дь с Тобо́ю.

По полиелѣи седа́лен, глас 8.

Пропове́дует, óтче, тво́я чудеса́ ны́не Россі́йская митропо́лия/ и вся
оте́чества и страны́ чудодѣ́йствія,/ ѿмиже вся от болѣ́зней ско́рбных
избавля́вши,/ Богоблаже́нне Алексі́е,/ пита́телю вдов и сирóт отецъ,
помóщник сущим в ско́рби всеизря́ден,/ пла́чущим утешѣ́ние, па́стырь и
наста́вник всем заблужда́ющим,/ Алексі́е преподо́бне./ И нас тво́ими
моли́твами от бед изба́ви/ и моли́ся Христу́ Бо́гу,/ да грехо́в оставле́ние
пода́ст ве́рою и любóвию чту́щим святу́ю па́мять твою́.

Сла́ва, и ны́не, Богоро́дичен:

Ра́дуйся, А́нгелом ра́дость ми́ра приѣмшая;/ ра́дуйся, ро́ждшая
Творца́ Твоего́ и Го́спода;/ ра́дуйся, сподо́бльшаяся бы́ти Ма́ти Бо́жия.

Та́же степённа, 1-й антифён 4-го гласа. **Прóкимен, глас то́йже:**
Честна́ пред Го́сподем/ смерть преподо́бных Его́. Стих: Что возда́м
Го́сподеви о всех,/ я́же воздаде́ ми? Вся́кое дыха́ние: Ева́нгелие от Иоáнна,
за́ча́ло 36. Та́же псалом 50.

По 50-м псалме́ стихира, глас 6:

Неизда́ема есть благода́ть святите́ля Алексі́я,/ ю́же при́ят от всех
Христá Бо́га,/ тем и честны́я его́ мо́щи Бо́жиею си́лою вѣ́ну соде́вают
чудеса́/ и всех, вѣ́рою призыва́ющих і́мя его́, от неисцельных недуг
изменя́ют./ Его́же моли́твами, Го́споди,/ христолю́бным лю́дем
посóбствуй на врагѝ/ и належа́щих скорбе́й душе́вных и теле́сных
свободи́,/ я́ко Человеколю́бец.

Канон Богоро́дицы, со ирмосом на 6, и свята́го на 8. Глас 8.

Песнь 1

Ирмо́с: Колесни́цего́нителя фарао́ня погрузи́/ чудотвори́й ино́гда/
Моисе́йский жезл, крестообра́зно порази́в/ и раздели́в мо́ре,/ Изра́иля же
беглеца́, пешехо́дца спа́се,/ песнь Бо́гови воспева́ющая.

Колесни́цею благода́ти Твое́й, Го́споди, возвы́си на́ша помы́слы от
до́льних на Го́рняя/ и сподо́би восхвали́ти уго́дника Твоего́, святите́ля
Алексі́я,/ песнь Тебе́, Бо́гу, воспева́ющая.

Колесни́цею ходата́йств твои́х/ ум наш, отягче́нный житѣ́йскими
печа́льми, возвы́си от земны́х к Небе́сным/ и наста́ви восхвали́ти тя
достойно, о́тче Алексі́е,/ песнь побѣ́дную Бо́гу воспева́ющая.

Колесни́цу го́рдости ми́ра сего́ превозше́л еси́ смире́нием,/ и, взем
крест твой, послéдовал еси́ Христу́ добро́тами,/ и, во приста́нище
го́рняго селе́ния дости́г,/ песнь Бо́гу побѣ́дную воспева́еши.

Колесни́цею добродете́лей, я́ко Или́я о́гненною, возше́л еси́ на
Не́бо,/ отону́дуже моли́ Бо́га низпосла́ти я́ко ми́лость благода́ть Ду́ха,/
уча́щую ны песнь побѣ́дную Бо́гу воспева́ти.

Богоро́дичен: Колесни́ца огнеобра́зная, носив́шая Бо́га Сло́ва,/ во
чре́ве Твое́м воплоще́ннаго,/ моли́ Его́ приле́жно спасти́ся рабо́м Твои́м,
к Тебе́ притека́ющим и побѣ́дную песнь Бо́гу воспева́ющим.

Ин канон. Творение иеромонаха Епифания Славиницкаго, Феолога, живша во обители его. Глас 4.

Песнь 1

Ирмос: *Поим, людие, дивно чудодѣйствовавшему/ в Чермнѣм морѣ Христу Богу,/ яко древле Израїля всевооружена/ стопами пешешествовати непроходную сотвори/ и злобы делодателя фараона во глубинѣ потопи.*

Богосіятельными Триипостаснаго Свѣта зарями Боговѣдно озаренный,/ златозарный свѣтільниче церковный, Богомудре Алексіе, молим тя:/ светоносными твоихъ молитв лучами в достолѣпую твою похвалу/ просвети ум тя хвалящихъ.

Хриstopодражательный ангеле земный,/ Богомысленный Небесным Ангелом собесѣдниче,/ Боговенчанный адскихъ ангелъ победителю,/ удостойвися зрѣти великаго совѣта Ангела, Бога воплощенна,/ треблаженне Алексіе, молим тя:/ твоими Боговнушаемыми мольбами избави ны от душевредныхъ прилогъ адскихъ.

Горьководною душетленныхъ прегрешений бурѣю потопляеми,/ к тебѣ, яко досточудну влающагося моря утишителю, прибегающе, вопием:/ святе Алексіе, твоими Богоугодными молитвами утиши волнующееся страстей нашихъ море.

Богородичен: Светоносный облаче, одождивый намъ дождь Небесный, воплощенное Слово Божіе,/ Богородительнице Дѣво, неботочно Твоего благоутрѣбія водою/ погаси огнепальный вредоносныхъ страстей нашихъ пламень.

Песнь 3

Ирмос: *Небеснаго круга Верхотворче Господи,/ и Церкви Зиждителю,/ Ты мене утверди в любви Твоей,/ желаний краю, верныхъ утверждение,/ Еди́не Человеколю́бче.*

Небеснаго круга и всея твари Господь,/ предвѣдый тя, отче Алексіе, будуща пастыря добра,/ ввери тебѣ паству словесную, яко Единъ Человеколюбецъ.

Небёснаго кру́га возлюбѣв Творца́,/ постомъ облегчѣн, страстей мо́ре
прешѣл еси́ и, на безстра́стия верхъ добродѣтелями возшѣд,/ Бо́га узрѣл
еси́, Еди́наго Человеколю́бца.

Небёснаго кру́га на высотѹ возшѣд Богоразу́мием,/ уви́дел еси́ у́мно
та́мо неизрече́нная/ и при́ял еси́ дар чудотворѣ́ния от Бо́га
Човеколю́бца.

Богоро́дичен: Небёснаго кру́га Верхотво́рца, хотя́ща родѣ́тися из
Тебе́, Пречи́стая, возвести́ Тебе́ Гаври́ил:/ ра́дуйся, Де́во, Госпо́дь с
Тобо́ю, Еди́н Человеколю́бец.

Ин

Ирмо́с: *Да не хва́лится му́др хваля́йся,/ но о се́м е́же разумева́ти,/ я́ко несть свят, я́ко Бог наш,/ вознося́й рог наш,/ да́й крѣ́пость ца́рем на́шим.*

Тя, Богому́дра ко́рмчия,/ Небёснымъ сло́ва Бо́жияго ко́рмилкомъ
Богохрани́мый кора́бль Росси́йскаго Це́ркве/ к благодѣ́льному вѣ́чныя
жизни приста́нницу пра́ве ко́рмилствова́вша, блажа́ще, мо́лим:/
всече́стне Алексе́е,/ к благове́дрой пока́яния ти́шине ко́рмилствуй ду́ши
на́ша.

Душеспаси́тельну всемо́щнаго мо́ря Творца́ за́поведь благопоспѣ́шно
сохраня́вша/ и бу́рная вла́ющагося мо́ря трево́лненья моли́твою
ути́шивша,/ тво́имъ чуде́йствительнымъ предста́тельствомъ ути́ши
волну́ющуюся скорбе́й на́ших бу́рю.

Златото́чная реко́ Бо́жия, Небёсными Ева́нгельскаго уче́ния вода́ми/
Богоса́ждѣнный Це́ркве Росси́йскаго рай наводни́вшая оби́льно,/
досточу́дне Алексе́е,/ небо́точною духо́вный ра́дости стру́ею напая́й
скорбя́щия ду́ши на́ша.

Богоро́дичен: В Богозда́нном Богосло́вяще Це́ркве апо́стольския
Не́бе,/ к Тебе́, светонóсному незаходи́маго Со́лнца Не́бу, прибега́ем,
вопи́юще:/ Всепѣ́тая Де́во, Твое́ю Небёсною по́мощию помози́ нам,/ Тя
блажа́щим, в Небёсная вселѣ́тися жили́ща.

Седáлен, глас 4:

Благово́нною сло́ва Бо́жияго па́житию/ словéсную па́ству Христо́ву
Богоу́годно воспита́нную,/ па́стырским Богодухо́вным исправлénия
жезлóм/ на правую спасénия стезю́ путево́дствив я́ко до́брый па́стырь,/
удосто́ился есѣ нетлénну вéчныя жѣзни мзду воспрѣяти/ в Гóрнем Сиóне
от Пастыреначáльника Христа́ Бо́га./ Егóже моли́, досточúдне Алексѣе,/
нам, твоѣм óвцам словéсным, сохранѣ́тися от невидимых волкóв
хищных.

Слáва, глас 8:

Ду́хом Божéственным пома́зася верх твой свящénный, архиерее
Алексѣе,/ и снѣде на тя блага́ть богáтно,/ и пребы́сть, я́ко мѣро, на
главѣ сходя́щее на браду́, браду́ Аáроню,/ и сходя́щая, я́ко росá
аермо́нская,/ и ороша́ющая ка́плями благоде́яний твоѣх притека́ющия к
ра́це мощѣй твоѣх/ и зову́щия тебѣ усérдно:/ óтче преподо́бне, моли́
Христа́ Бо́га/ грехóв оставлénие дарова́ти/ чту́щим досто́йно святу́ю
па́мять твою́.

И ны́не, Богоро́дичен:

Повелénное та́йно приѣм в ра́зуме,/ в кро́ве Ио́сифове тѣ́нцем
предста́ безплóтный,/ глаго́ля Неискусобра́чней:/ приклонѣ́вый
схождénием Небéса вмещáется неизмénно весь в Тя,/ Егóже и вѣдя в
ложесна́х Твоѣх, приѣмша ра́бий зрак,/ ужаса́юся звати Тебѣ:/ ра́дуйся,
Невéсто Неве́стная.

Песнь 4

Ирмо́с: Ты моя́ крѣ́пость, Го́споди,/ Ты моя́ и си́ла,/ Ты мой Бог, Ты
моё ра́дование,/ не оста́вь не́дра О́тца/ и на́шу нищету́ посети́в./ Тем с
проро́ком Авва́кумом зову́ Ти:/ си́ле Твоёй сла́ва, Человеколю́бче.

Ты моя́ крѣ́пость, Го́споди, Ты моя́ и си́ла, – вопия́, óтче Алексѣе,
прия́л есѣ дар/ телéсныя недúги целѣ́ти и лука́выя ду́хи отгоня́ти от
зову́щих Христу́:/ си́ле Твоёй сла́ва, Человеколю́бче.

Ты есѣ свети́ло Росси́йския земли́ и гра́ду Москвѣ стена́ неруши́ма,/
на враги́ же победи́тель,/ и христоименѣ́тым людем во бранех посóбник,/
зову́щим Христу́:/ си́ле Твоёй сла́ва, Человеколю́бче.

Ты Богослѡвил еси Единицу несозданную,/ в Трѣх Лицах сущую,
несливаему же и нераздельну,/ воумляя паству твою, ѡтче Алексіе,
непрестанно звати:/ силе Твоей слава, Человеколюбче.

Богорѡдичен: Ты моя крѣпость еси войстинну и спасѣние,
Богорѡдице,/ и на Тя надежду мою возложих,/ спаси мя, Дѣво Чистая, и
укрепи рождшемуся из Тебѣ звати:/ силе Твоей слава, Человеколюбче.

Ин

Ирмос: *Гласом благоглаголивым предразумѣв, Аввакум/ зряще Слѡва
воплощѣние и взываше яве:/ слух услышах Бѡжия совѣта,/ Бог бо
непрелѡжно Человѣком возбесѣдует,/ из горы грядый Дѣвственнаго
чрева/ и мир избавляя/ началорѡдныя клятвы.*

Богосодѣянною смиренномудраго исправлѣния мрежею/ неисчѣтное
рыб словесных множество Богопоспѣшно уловлей,/ Богомудрый ловче,
досточудный Алексіе,/ Богокованною предстательства твоего удицею
извлекы ны из глубокія зол многих пучины.

Небесным слѡва Бѡжия врачевством/ душетлѣнныя
уврачевствовавый людских грехопадѣний язы/ и Богоустроѣнным
крѡткаго наказанія пластырем умовредныя исцѣливыи раны,/
безмѣздный целителю, досточудный Алексіе, молим тя,/ исцели
душевередныя грехѡв наших струпы.

Благоплодовѣтое Богонасажденнаго сада древо,/ благовѡнныя
прозябшее достохвальных исправлѣний плоды/ и плодоносныя
простѣршее к Нѣбу Боговнушимых молѣний вѣтви,/ всечудне Алексіе,
молим тя:/ Богорасленным твоего покрова листвием/ осенѣ ны от
вредоноснаго лютых бед жѣга.

Богорѡдичен: К Тебѣ, златозарная Свѣта Невѣчерняго зарѣ,
Богородительнице Дѣво, прибегаем, вопиюще:/ светозарным Твоего
защищѣния сияніем разреши темнозрачен ѡблак печалей наших.

Песнь 5

Ирмос: *Вскую мя отринул еси/ от лица Твоего, Свѣте Незаходимый,/ и
покрыла мя есть чуждая тьма, окайннаго?/ но обрати мя и к свѣту
закѡвѣдей Твоих/ пути моя направи, молюся.*

Вскую противнии ополчаются на ны, имущия тя крепка поборника?/
Ты, отче Алексіе, дерзость их низложи и воинство наше молитвою
твоёю страшно им покажи.

Вскую унываем, согнетаемии множеством печалей,/ имуще
скорбных утешителя – святителя Алексія,/ избавляюща ны от бед и
скорбей наших/ и от враг видимых же и невидимых?

Вскую, отче Алексіе, телесныя немощи находят на ны, и беды
окружают ны,/ врача тя имущия в болезнях и утешителя в скорбях?/
изми убо ны от сих молитвами твоими.

Богородичен: Вскую обуревают мя волны страстей,/ кормчия Христа
рождающая, Дево Всенепорочная?/ Ты Его моли сих исхитити мя/ и к стези
заповедей Его пути моя управити, молюся.

Ин

*Ирмос: Нощеборимых страстей тмением/ к Тебе утренюю,
Единому Благоутробному,/ души моея мглу просвети и узы пресеки
долгов моих,/ яко да Твоим Соприсносущим Духом просвещаемь/
правды путь нетленный обрящу повелений Твоих.*

Словесную паству Христоу благовонным Евангельскаго учения
злаком Богоугодно воспитавый/ и на правый Христоподражательнаго
жития путь Боголепно наставляй, пастырю добрый,/ всеблаженне
Алексіе, молим тя:/ твоими молитвами настави ны на правую заповедей
Божиих стезю.

Богозданный Духа Святаго сосуде, чистым любве Божия златом
Боголепно позлащенный,/ Богомудре отче Алексіе,/ раждеженным слова
Божия серебром чада твоя обогащай обильно, молим тя:/ твоими
молитвами подаждь нам Небесное Божия благодати богатство.

Богонаначальному премирных умов лику сообщенный/ и
Богосиятельными Триипостаснаго Света зарями Боговидно озаренный,/
уме Богомудрый, священноначальниче Алексіе,/ Небесною
Богооткровенныя ти мудрости лучею просвещай свыше мрачныя умы
наша.

Богорóдичен: Богорáсленный грозд, воплощённое Сло́во Бо́жие прозя́бшая,/ Богосаждённая лозó, Всенепорóчная Дéво, мо́лим Тя:/ благово́нным Бо́жия благода́ти вино́м напáй жа́ждущия ду́ши на́ша.

Песнь 6

Ирмо́с: *Очи́сти мя, Спа́се,/ мно́га бо беззако́ния моя́/ и из глубины́ зол возведи́, молю́ся,/ к Тебе́ бо возопи́х, и услы́ши мя,/ Бо́же спасéния моего́.*

Очи́сти ны, Спа́се, от мно́гих грехóв на́ших/ и болéзни отжени́ моли́твами святитeля Твоегó Алексiя,/ и мир Церквám Твои́м подаждь и соединéние.

Очи́сти сердцá на́ша и мы́сли ходáтайствы твои́ми, óтче,/ и, при́йм от нас приносíмая тебе́ моли́твы,/ испроси́ у Христа́ обрести́ нам велию́ ми́лость.

Очи́стив сёрдце твоё, óтче Алексiе,/ и трость языка́ твоегó изостри́в Ду́хом,/ написáл еси́ в сердца́х вёрных сло́во Богоразу́мия учёными твои́ми.

Богорóдичен: Очищё́нну Тя Ду́хом, Всенепорóчная, Арха́нгел Гаври́ил позна́в,/ зовяще Тебе́:/ ра́дуйся, Дéво Мари́е, па́дших воззва́ние и кля́твы разрешéние.

Ин

Ирмо́с: *Из чре́ва áдова во́пля моего́ услы́шал еси́ глас мой/ и возвёл еси́ от тли бу́ри прегрешéний,/ обдержи́т бо, Спа́се,/ и погружа́ти искуша́ет, Бла́же:/ но я́коже прéжде Ио́ну возвёл еси́ от тли́,/ и мене́, молю́ся, Го́споди,/ предвари́в, спаси́.*

Златоза́рная Росси́йская звездó,/ светонóсными равноапóстольских исправлéний заря́ми/ Богозда́нное Це́ркве Бо́жия Не́бо озари́вшая светлó/ и темномра́чну ва́рварских наве́тов мглу разре́шшая Богопоспéшно,/ всеблаже́нне Алексiе,/ разреши́ те́мен напáстей вра́жиих о́блак.

В Боголе́пную Невещéственнаго Бо́га сла́ву/ веще́ственныя хра́мы Бо́жия Боготща́тельно созда́вый,/ мы́сленный хра́ме Бо́жий, Богоносе Алексiе, мо́лим тя,/ Богоуго́дными твои́ми мольба́ми Богоприе́мный храм Бо́жий сози́жди сердцá на́ша.

Пагуборóдное гóрдаго кичéния тёрние истóргнувый/ и доброрáсленныя смиреномúдраго Богомýслия лёторасли Богопоспéшно возрастíвый,/ благоплодовíтый Небéснаго сада кóреню, всечúдне Алексíе,/ насади́ в сердца́х на́ших Богорастíтельный Богоугоднаго смирénия кóрень.

Богорóдичен: Всемóщнаго морскíх треволнénий утишíтеля,/ воплощённое Сло́во Бóжие рóждшая,/ Богорóдице Дéво,/ Небéсною Твоего́ заступничества тишино́ю/ многобúрную утиши́ скорбéй на́ших молвú.

Конда́к, глас 8.

Божéственнаго и пречестна́го святíтеля Христóва,/ но́ваго чудотворца́ Алексíя,/ вéрно вси пою́ще, лю́дие, любóвию да ублаж́им, я́ко па́стыря вели́каго,/ служíтеля же и учíтеля премúдра земли́ Росси́йстей./ Днесь, в па́мять его́ прите́кше,/ ра́достно возопи́ем песнь Богоно́сному:/ я́ко имéя дерзновéние к Бóгу,/ многообра́зных нас изба́ви обстоя́ний, да зове́м ти:/ ра́дуйся, утверждéние гра́ду на́шему.

Йкос:

Дíвнаго и пречестна́го чудотворца́ вíдяще чудеса́,/ исцелénия подава́юща всем, от душí с вéрою притека́ющим,/ и Христóвы лю́ди невидимо посеща́юща,/ и зéмлю Росси́йскую просвеща́юща,/ ра́достно от душí вси, вкúпе сошédшеся к раце мощéй его́,/ слышаще же и вíдяще чудес мно́жество и исто́чник исцелénий неисчерпа́емь,/ чíстыми сердца́ми и просвещéнными ра́зумы, я́ко благоухáнно кади́ло,/ плоды́ добродéтельны от душí принося́ще/ и ра́дующеся, воззовéм ему́, глаго́люще:/ ра́дуйся, óтче, честный наш учíтелю,/ я́ко прия́л еси́ трудо́в твои́х воздая́ние/ и в Вы́шних водворя́ешися, о нас моля́ Человеколю́бца Бóга./ Чудес дар прия́л еси́,/ земли́ Росси́йстей о́тец и учíтель,/ и святíтелем изря́дная похва́ла,/ и во́инству на́шему во бранéх посóбник крёпок./ Ра́дуйся, святíтелю Алексíе, гра́ду на́шему утверждéние.

Песнь 7

Ирмо́с: *От Иудéи дошédше, óтроцы/ в Вавилóне иногда́,/ вéрою Тро́йческою пла́мень пéщный попра́ша, пою́ще:/ о́тцев Бóже, благословéн еси́.*

От Иудѣи отрокомъ поревновавъ, огненпальныя страсти угасилъ еси,/ Христу присно поя, блаженне Алексіе:/ отцевъ Божѣ, благословенъ еси.

От Иудѣи отроки подражалъ еси,/ живущею бо в тебѣ Духа благодатию просвещься,/ воспелъ еси Христу:/ отцевъ Божѣ, благословенъ еси.

От Иудѣи отрокомъ ревнуемъ,/ видяще мочи твоя чудоточащія, любовію распаляеми, Христу зовемъ:/ отцевъ Божѣ, благословенъ еси.

Богородичен: От Иудѣи отроцы Твое прообразиша Рождество, Дѣво Всечистая,/ огонь бо в пещи не опали ихъ, поющихъ:/ отцевъ Божѣ, благословенъ еси.

Ин

Ирмосъ: *Тя живописующий ассирійскій пламень/ юноши три спасе, Господи,/ якоже и Дѣву не опали Отроковицу,/ в Божественномъ Рождествѣ Твоемъ Божественная искра:/ препетый отцевъ Божѣ, благословенъ еси.*

Тя, яко от Небеснаго врача дар исцеления туе приѣмша,/ тако вредоносныя к тебѣ прибегающихъ язѣ туе исцеливша,/ усердно молимъ, врачу безмездный, архиерее Алексіе:/ Небесною твоихъ молебъ цельбою исцели лютыя недуги душъ и телесъ нашихъ.

Боготканная православнаго благочестія ризо,/ многоценными превеликихъ добродетелей бисерми Боголепно удобренная,/ всехвальне Алексіе, моли свѣтомъ одевающаяся Бога/ в свѣтлую вѣчныя жизни ризу одѣятыя душамъ нашимъ.

Трудолюбный Богосаженнаго сада дѣлателью,/ благовонную досточудныхъ исправленийъ кассію насадивши/ и Богорасленную постническаго воздержанія смѣрну в Боголюбивомъ сердцы твоѣмъ вкоренивый,/ святе Алексіе,/ Неботочную защищенья твоего стакту излей на любящая тя сердца наша.

Богородичен: От Богосиятельнаго Правды Солнца/ Богооткровенно паче умовъ премірныхъ озаряема,/ светозарная луно,/ Всенепорочная Дѣво,/ светоносною Твоея благодати лучею мрачная просвети сердца наша.

Песнь 8

Ирмос: Царя Небеснаго,/ Егѡже поютъ вси Ангельстии,/ хвалите и превозносите во вся вѣки.

Царя Небеснаго хвалити учил еси паству твою, зовый:/ пойте и превозносите Христа во вѣки.

Царя Небеснаго умоли о нас, чадах твоих,/ радостно поющих и превозносящих Его во вѣки.

Царю Небесному предстоя, паству твою назирай,/ поющую и превозносящую Христа во вѣки.

Богородичен: Царя Небеснаго родила еси, Дево,/ Егѡже Ангели поют и превозносят во вся вѣки.

Ин

Ирмос: Находящая в пламени/ беззаконнаго мучителя велением отроки подражающе,/ немолчными устнами/ в Вышних похвально возопиим:/ Блаже, преестественно Сый Пресвятый,/ поющая Тя/ Светом умным Твоим озари.

Небесною Богоприятныя молитвы цельбою/ телесную варварския царьцы слепоту преестественно исцеливый,/ Богомудрый, душевных и телесных недуг целителю,/ всеблаженне Алексие, молим тя:/ душевную исцели слепоту вредоносных прегрешений наших.

Церковная красото,/ преосвященная главо,/ непоколебленный благочестия столпе,/ Богозданный веры степеню,/ неисчерпаемая Божественных чудес пучино, всечестне Алексие,/ златоточными твоих мольб водами вредоносен погаси огонь печалей наших.

Пагубоносное грехопадений стволие Божественным любве Божия огнем Богоугодно сожег/ и Богозданным веры степенем/ к невестественну огню преестественну,/ в Живоначальной Троице Богу, приступив благоговейно, преподобне отче Алексие,/ от геенскаго огня избави души чад твоих, тя блажащих.

Богородичен: Присноусущную Жизнь,/ воплощенное Слово Божие паче слова человека истинно рождающая,/ Всепетая Богородице Дево, молим Тя:/ избави ны, рабы Твоя, от вечныя смерти.

Песнь 9

Ирмос: *Воистиину Богородицу,/ Тя исповедуем,/ спасеннии Тобою,
Дэво Чистая,/ с Безплотными лики Тя величающе.*

Воистинну свет миру явился еси, светящ добродетельми,/ и пастырь
изряден твоего стада был еси,/ Христа величающа.

Воистинну вемы тя, отче, чудотворца велика,/ точаща многа чудеса
верно к тебе приходящим/ и Христа величающим.

Воистинну светло память празднуют святителя Алексия/ архиереи, и
священники, монаси и вси людие,/ Христа Бога величающе.

Богородичен: Воистинну Ты еси христианом спасение:/ Христа бо
родила еси, спасающего ны,/ Деву Чисту Тя величающия.

Ин

Ирмос: *В Тебе, Богородице, наше умаление преста,/ невидимое бо
Слово/ во утробе Твоей приемшая,/ сугуба Того родила еси,/ Бога вкупе и
Человека,/ на Негоже Херувими возрети не дерзают./ Темже Тя
величаем, Пречистая.*

Благовидною архиерейских исправлений красотою/
Богопоставленный престол твой Боголепно украсивый,
первопрестольный иерарше, всечестне Алексие,/ моли сидящего на
премирных престолах Бога/ удостоитися нам, ты блажащим, в Царствии
Небесном предстати Божью престолу.

К чудотворным твоим мощем притекающе усердно,/ молим тя,
чудоточный источниче, досточудне Алексие:/ Боготочною
Божественных чудес твоих струею/ угаси раждеженое бед и печалей
наших горнило.

С царствуемым миром православныя люди наша от всяких бед
защити/ Богозданный православия щите/ и Церкви Русския
первопрестольный иерарше, всеблаженне Алексие,/ в Боголепое церквей
Божиих благостроение даждь свыше Небесную помощь.

Богородичен: Боговидцем Моисеем виденная в Синаи купино
неопальная,/ огонь Божественный, воплощенное Слово Божие рождающая,

Всесвятáя Дéво,/ Небéсным любвé Бóжия огнём разжзй оледévшая
сердцá нáша.

Светíлен:

Благодáть Святáго Дúха, всéльшаяся в тя, святítеля тя показá,/ Христóс же ти вручй пáству Свою пáствити на пáжитех духóвных,/ Егóже рáди потщáлся есй наставляти лю́ди,/ и ны́не на Небесéх, рáдуясь, живéши.

Слáва, и ны́не, Богорóдичен:

По Бóзе упováние имúще на Тя, Пречйстая Богорóдице,/ мóлим Ти ся,/ ко йже из Тебé Рóждшемуся мольбáми/ невредíмы нас до концá сохрани́.

На хвалíteх стихйры на 4, глас 8.

Что ты наречём, святítелю Алексíе?/ Звездú, озаряющу поднебéсная,/ мíра красовáние всечестнóе,/ сего́ лучáми озаряюща велéнии благовéрия/ и ёреси тьму отгоняюща./ Моли́, преподóбне,/ от тли и бед избáвиться/ véрою творящим пáмять твою́.

Что ты наречём, преподóбне святítелю Алексíе?/ Рéку, излива́ющу исцелéния незавíстно/ всем, véрою приходя́щим,/ истóчник, источáющ учéний медотóчных,/ во вся концý простира́ют/ и вёрныя просвещáющ./ Моли́ся, преподóбне,/ спаст́ся душáм нáшим.

Что ты ны́не наречём,/ святítелю Алексíе,/ предívный чудотворче?/ врачá разúмна и безмéдна,/ исцелева́юща всяку язю́ душéвную и телéсную,/ Безплóтным равночéстна./ Моли́ся, преподóбне,/ спаст́ся душáм нáшим.

Слáва, глас 6:

Человéче Бóжий и вёрный рáбе, слугó Госпóдень,/ мýжу желáний, сосúде избрáнный,/ стóлпе и утверждéние Цёркве,/ Цáрствия наслéднице,/ не премолчй, вопия́ за ны ко Гóсподу.

И ны́не, Богорóдице, Ты есй лозá:

Славослóвие вели́кое и отпúст.

На литургiи

Блажённы от канона, пёсни 3-я и 6-я. Прокiмен, глас 7: Честна пред Гóсподем/ смерть преподобных Егó. Стих: Что воздам Гóсподеви о всех,/ яже воздаде ми? Апóстол ко Евреем, зачало 335. Аллилу́ия: Воззва́ша пра́веднии: Стих: Мно́ги скорби пра́ведным: Ева́нгелие от Луки́, зачало 24. Прича́стен: В па́мять вёчную бу́дет пра́ведник:

Молитва святителю Алексию, митрополиту Московскому

О, священнейший óтче, святiтелю Христóв Алексiе, па́стырю и учiтелю наш, не отрiни нас, с вёрою притека́ющих к твоему́ заступлени́ю, но ско́ро потщiся помолiтися Царю́ ца́рствующим и Гóсподу господа́ствующим, да изба́вит ста́до Своё от волко́в, губящих ё, и всяку страну́ христиа́нскую огради́ и сохрани́ святы́ми твои́ми моли́твами от мирска́го мяте́жа и тру́са, нашествiя иноплеме́нник и междоусóбныя бра́ни, от гла́да же и губи́тельства, пото́па, и мечá, и огня́, и напрáсныя смёрти, и я́коже исцелением от слепоты́ цари́цы агáрянския спасл еси́ отечество твоё, та́ко помилуй и нас, умóм, сло́вом и де́лом во тьме грехóвней сущих, и изба́ви нас гнёва Бóжия и вёчныя ка́зни, я́ко да твои́м ходата́йством и по́мощию, Свои́м же милосёрдием и благода́тию, Христóс Бог тихое и безгрéшное житиё даст нам пожити в ве́це сем и на Стра́шнем суди́ще Своём сподо́бит десна́го стоя́ния со все́ми святы́ми. Ами́нь.